

ZER DA GURASO ESKOLA BAT?

Udaleko Hezkuntza Zerbitzuak eskaintzen duen Guraso Eskolak izeneko programa prestakuntza proiektu komun batean parte hartu nahi duten helduei zuzendutako doako proposamena da.

Eskolak lankidetzak akordio bat du oinarri, **seme-alabak eskola adinean dituzten gurasoen talde batek** –ikastetxe berekoak oro har– **sistematikoki prestakuntza jarduerak** antolatzea erabakitzen duelarik, batez ere **elkarriketan** eta **hausnarketa partekatuan** oinarritutakoak.

Guraso Eskolak **ez dira** hitzaldi zikloak, ez eta gurasoentzako klaseak ere. Gainera, ez dira unean unekoak.

HELBURUAK

- Gurasoak prestatu, motibatu eta interesatzea pertsona eta bikotekide gisa prestatzearekin eta seme-alaben heziketarekin zerikusia duen orotan.
- Gurasoek hezitzaile gisa duten erantzukizunaren kontzientzia handiagoa hartzea.
- Seme-alabekiko harremanetan sortzen diren arazo ohikoenei aurrea hartzeko edo aurre egiteko baliabideak eta jarraibideak ematea.
- Heziketaren arlo guztiekin lotutako erabakiak hartzen laguntzea.

EGITURA ETA FUNTZIONAMENDUA

Kideak: Guraso Eskola sortzeko gutxienez **hamabi parte-hartzaile** behar dira. Taldeko kideen erabakiko dute zein egun eta ordutan bilduko den, zein gai landuko duen eta ikasturtean (urritik maiatzera) zenbat saio egingo duen, eta maiztasunez joango dira saioetara. **Gehienez 12 saio** izan daitezke. Ikastetxeko zuzendaritzaren eta guraso elkartearen laguntza izatea komeni da.

Eleduna: Eskolako kideek urtero hautatuko dute; borondatez, eskolaren funtzionamenduaz arduratuko da, eta zeregin hauek hartuko ditu bere gain:

- Eskola ordezteko eskatzen den lekuetan (Hezkuntza Zerbitzua, guraso elkarte...).

- Hezkuntza Zerbitzuaren eta parte-hartzaile taldearen arteko lotura izatea.
- Eledunen bileretara joatea, Hezkuntza Zerbitzuak deitzen dituenean.

Koordinatzailea: Hezkuntza Zerbitzuak kontratatutako profesionala, taldeari prestakuntza prozesua zehazten eta saioen funtzionamendua dinamizatzen laguntzeko. Zeregin hauetaz arduratzen da: lan prozedura adostu, aukeratutako gaiei buruzko edukiak egituratu, taldeko kideen parte-hartzea sustatu, eta eztabaida bideratzeko eta ondorioak ateratzeko behar diren materialak eta baliabideak eskaini, taldearen esperientzia oinarritzat hartuz.

Eledunen bilerak: Hiru hilean behin izango dira, Hezkuntza Zerbitzuko teknikariek gidaturik. Garrantzitsuak dira, esperientziak, lorpenak eta zailtasunak partekatuz eskola guztientzat aberasgarriak direlako.

Urteko jarduera komuna: Txandaka hiru eskolek osatutako batzorde batek antolatzen du. Gai bat eta ekin-tzaren formatua aukeratzen du, eta garapena kudeatzeaz arduratzen da, Hezkuntza Zerbitzuko teknikarien laguntzarekin.

Jarduera osagarriak: Udal sail eta zerbitzu batzuek gurasoei zuzendutako hezkuntza jarduerak eskaini ohi dituzte, eta horiek ere eskolaren programazioaren barruan sar daitezke, interesguneen arabera.

Baliabide zentroa: Hezkuntza Zerbitzuak “baliabideak mailegatzeko zentro” bat du, hainbat material bibliografiko eta ikus-entzunezkoen osatua, eta horiek eskolen esku uzten ditu, prestakuntza prozesuaren osagarri gisa.

UDALEKO HEZKUNTZA ZERBITZUAREN LAGUNTZA: Prozesuan Guraso Eskolak garatzen eta sendotzen laguntzea du zeregin nagusizat.

Argibide gehiago:

Telefonoa: 945-161890
www.vitoria-gasteiz.org/hezkuntza

Guraso eskola

Hitz egin eta hausnartzeko
topagunea

